

 B V 3 C	21659
	III Mag. St. Dr. p

Kanon Andr.

Gostomianus seu Jezu Coll. Inscriptio sepulchralis

PANEG. et VITAE
Polon. Fol.
N^o 884.

Biblioteka Jagiellońska



stdr0002004

INSCRIPTIO
SEPULCHRALIS

In Funere Illustriss^{mi}. & Excellentiss^{mi}.

PRINCIPIS

D. GEORGII

OSSOLINSKI,

DUCIS IN OSSOLIN,

Comitis de Teczyn,

S. R. I. PRINCIPIS,

Supremi in Regno Poloniae

CANCELLARII,

Lublinensis, Lubaczouiensis, Bohustauiensis, Bro-
dnicensis, Rycensis, Derpensis, &c. &c.

GOVERNATORIS.

Inter lugubres apparatus

Oculis & Animis

Legentium & Lugentium

PROPOSITA

A Gostomiano Societatis F. E. S. V. Collegio.

Sub Auspicijs Perillustris ac Magnifici Domini,

D. ADAMIGEORGII

DE OSSOLIN,

OSSOLINSKI,

Lublinensis CAPITANEI.

21.659^{l.}
III

CRACOVIÆ,

In Officina Typographica Francisci Casarij, S. R. M. Typographi.



Handwritten notes at the bottom of the page, including names and dates.

Mortis Decus publica Mæstitia. *Titus Livius.*
Res in exitu æstimantur, & cùm abeunt ex oculis
tunc videntur. *Fam. Strada Dec. 1.*

AD PERILLVSTREM AC MAGNIFICVM DOMINVM,
D. ADAMVM GEORGIVM
DE OSSOLIN OSSOLINSKI,
GVBERNATOREM Lublinensem.



*O*mmunis Patriæ comploratio, Tui, atq; adeò & no-
stri doloris argumentum est, Illustrissime Domine.
Fatalis equidem necessitas, cùm & Regni annulum,
Supremo Cancellario, & Gentilitiam Securim Patruo
Tuo excussisset, omnium animos uno impetu concuf-
sit. Illustris quâ genere, quâ virtute *ASCIA*, exocularum mon-
strum illud adeò non prestrinxit, vt infamem etiam tot cladibus fal-
cem, nobili ferro cominans opponere ausa, Tanto demû Principi, mortua-
le erexerit suggestum, simulque metam proposuerit, ad quam omnium
affectus & dolores collimarent. Nobis equidem debita in Herdém hunc
imperavit obseruantia, vt ad communem luctum lugubri cum obsequio
è viciniâ accederemus. Ita nimirum, vel post fata, efficacem Maxi-
mi nuper Oratoris Suadam experti sumus, vt, cuius elogium orbis est,
calamos quoq; nostros in cultum & memoriam sui animaret. Os certè
illud & *SOL* Patriæ *OSSOLINIVS* iure suo exigebat; vt illi qui-
dem *Tullius* noster parentaret, à quo *Civilis Eloquentiæ* formam trans-
sumpserat; ab hoc verò vel post occasum lucem & splendorem mutuare-
tur. Ac vtinam letioris argumenti liberalitas tenuitati nostræ consu-
lisset! Nunc verò idem eloquentiæ leges, qui *Sarmatiam* confudit do-
lor: ita tamen, vt tumultuario operi, facilem apud Te *Perillustr*: Dñe
aditum persuaderet. Muti characteres *PATRVM TVVM*
loquuntur, cuius *Nomen* & cum parte *Honoris*, ad Te hereditario pla-
nè iure transferunt, Leges eum oculis, quem animo induisti; *Magnusq;*
Maximi Patrui Nepos, ita in preclare facta immigrabis, vt imiteris.
Nos *Sepulchralem hanc Inscriptionem* non tam prelo quàm *Virtutibus*
Tanti Viri expressam, Tuo nomini & dolori deuouemus ac consecramus.

Illustrissimæ Celsitudini Tuæ

Deuotissimum

Collegium Sandomiriè. Societatis *IESV*.

DEO VIRTVTVM,
PRIMOGENITO MORTVORVM;

Nec non: Perenni Memorix

Sacrum fixumque

.Sta & persta Marmor.

GEORGIVS OSSOLINSKI,

D V X I N O S S O L I N , S . I . P R I N C E P S

Antiquæ Nobilitatis novos Titulos

Domi promeruit, foris accepit.

A Pontificia altero, altero ab Imperatoria maiestate donatus

Vtroque à Virtute.

Felix in quo ornando summi terrarum Principes decertarent!

VRBANVS VII. FERDINANDVS III.

Duo Sacrorum Armorumq; Numina, geminos illi afflauere Honores.

Peregrinos caue dixeris:

Hereditariâ Dignitatum in domo

Vel aduentitij Honores nomen mutant & cultum.

Nulla Glorix possessio extranea est Virtuti.

A profapix vestustate cum frustra laudaueris

Cui generis antiquitate antiquior fuerit sua virtus.

Solum nascendi ordinem si excipias, maior suis Maioribus

Gloriâ, Opibus, Consilio, Eloquentiâ, rebus gestis.

Extraordinarius ad Principes Europæ Legatus

Extra fines Regni persapè, nunquam vltra Decori limites processit.

Amor & Delicix Regnorum

Quò faciem non potuit, famam per ora hominum inuexit.

Angliâ, Italiâ, Germaniâ, Gallijs peragratis,

Amplitudinem Poloni nominis extendit intenditque.

Magnificentiâ supra alios non supra fortunam progressus

Pacatos triumphantis Romæ innouauit splendores.

In Urbem Urbium dominam plausu ciuium illatus,

Deuinctos Humanitate suâ animos in triumpho duxit.

Gentilitiæ illius ASCIÆ Fasces Romulus,

Numa Oleam, Cæsar Lauream, Consul submisit Secures.

Porro quantas haberet ad Suadendum vires,
 Forum Latij ipso confessum est stupore!
 Quum ad vicariam Numinis Potestatem, peroranti de genu
 Arrectis Quiritibus, aurita assurrexit Roma.
 Inprincipe Orbis & Urbis auditorio Polonum Cyneam audiri par erat.
 Eximius plane à personâ suâ Orator
 Quò plura in sese Tullij decora colligeret
 Orationis maiestatem oris dignitate amplificauit;
 Ad elegantiam eruditi moris natus factusque
 Aduersa orbi nostro præiudicia è iudicijs nationum expunxit;
 Studiorum primordia Pultouiano auspicatus in Collegio,
 Currentem vltro indolem, laudum calcaribus promouit,
 Cauens vnicè: ne præpostero nomine & Numine
Nymphas inuocaret pro Musis.
 Tantâ iam inde suauitate Eloquij delibutus
 Vt (è Socratis mente) sacrificasse Grâtijs Videri posset.
 Probatâ primùm SIGISMUNDO III. indole,
 Inter Ephebos Regij cubiculi assertus
 Ad inania officiorum aucupia descendentes plerosq;
 E fastigio altæ mentis (citra supercilium) despexit.
 Idem in lubrico aulae nusquam fallente vestigio, diu (quod mirere) stetit.
 Nihil per iram aut cupidinem solitus aggredi,
 Grauitati suæ opinionem, dictis fidem emeruit.
 Cùm omnia Aulici Mysteria, & numeros teneret;
 Inimicas Virtutibus libenter ignorauit artes.
 Secutus ad castra VLADISLAVM Principem.
 Sub experientissimis Militiæ Magistris,
 Armorum & gloriæ tirocinium posuit in Moschouia;
 Vbi immistus oppugnantium ardori & machinis,
 Ictum lapidis aduerso pectore excepit.

Dum Sedes
 Moschouitici
 Imperij oppu-
 gnaretur.

Documento :

Polonis æquè, ac Spartanis pro muro pectus esse.
 Et verò ad metas extremi discriminis propè accedens
 Incertos Martis exitus certo obitu clausisset;
 Nisi, adiumento alibi, alibi ornamento futurum
 Fortuna Patriæ, Ciuium commodis referuasset,
 Expeditionem bellicam Legatio Anglica,
 Hanc (Curialis Ærarij præfecturâ aucto reduce)
 Florentina, Veneta, Imperialis consecuta,
 Romana, Omnes iure gloriæ anteuuit.
 Quondam ad regni Ordines honorariâ missione functus,
 Animis Procerum flexanimâ subactis facundiâ,
 Libera suffragia, Regiæ inclinabat Virtuti;

Thesaurarius
 curiæ regni
 creatur.

Tunc

ne potissimum SACRI IMPERII PRINCEPS, ^{Legat}
Cùm in animos Imperium: Principatum in Honores exerceret; ^{Reip.}
Quorum illud copiosè loquenti Sapientiæ, Hunc meritorum Præcellentiæ debuit.
Memorabili in Ducalem Prussiam excursione,
Exploratâ Brandeburgici atque adstrictâ Fide,
Regiomonti, Regiæ Auctoritatis Vices obiens
Illius arbitria in imperijs, iussa in Oraculis,
Desideria in opere, Consilia posuit in euentis.
Ita ille Sceptri & Solij prælargus æstimator
Maiestatis nomen supra multorum consuetudinem
Cùm pernôset penitiùs, generosiùs tractauit.
Si Experientia poscitur, Versatissimus,
Si peritia iuris Patrij, Scientissimus;
Si negotia Dominantium paratissimus.
Ne quidem Valetudinis obiectu interualla cessandi quæsiuit!
Drusum diceres, lepidè dictitantem:

Sibi nec puero Vnquam, nec seni ferias obtigisse.

Ea propter

Nihil non eius meritis tribuendum rati Principes
(Cùm multa in vnum congefissent auctaria)
Sua in eo beneficia haud quaquam expauere.
Nisi quòd & ipse è Modestiæ præceptis
Nec vanè ostentabat Principi obsequium,
Nec occasiones præterijt obsequendi.
In Ratisbonensibus Comitijs, Legatorum facilè princeps
Ab Imperij Septem-Viris VIR CONSILII conclamatus
A FERDINANDO sui nominis III.
(Eloquentiæ officia titularum beneficijs reponente)
Inter Sacri Imperij Principes adlectus est,
Nec importunus accersendis nominibus nec impar oblati.
Eòdem (*vt solitaria non incedunt dignitates*)
Sandomiriensi Palatinatu ad se perlato
Quem absens non quæreret, quæsitus peregrè est ab Honore.
Mens & Lingua Principis vt esset, CANCELLARII ex munere accepit.
Quò loci, extemporalis vt plurimum Orator
Meditatas aliorum disceptationes vel æquauit vel Vicit.
In turbidis Comitiorum fluctibus
Malaciam sæpè attulit, sui vnico interuentu!
Diserta causarum iurgia vel ideò rescindens
Quòd nihil præter tempus rixæ lucrentur.
Spem & Metum, duo Consultantium detrimenta,
Procul habuit à Consilio BONÆ MENTIS.

Ad Vsum rerum quàm ad speciem attentior
Illicò infectum reddidit, quidquid fieri non oportuit,
Tuta ambiguus, Vtilia arduis anteponeus.

Semper consulere solitus quid in rem sit
Nunquam ad consilia casum admisit, ne facti poeniteret.
An responsa meliùs ex longinquo dentur:
Disputantibus Politicis, ille crebriùs è propinquo dedit.
Deliberandi capita proponentem audire, capi erat!
Difficillimas Reipub. controuersias, mirà facilitate expediens
Ne suo Agamemnon careret Nestore, seipsum prouidit.
Gratiarum Priuilegijs annulum tam scitè apprimebat
Vt Nobilem Libertatis gemmam non premeret.
Pupillorum quiritationibus ex facili acclinis
Nemini Vnquam dicendæ causæ potestatem ademit.
In cognitionum copia, fastidio inaccessus
Integritatem iudicij, nullâ corruptione passus diminui
Medius partium, amicâ medijs consistebat Virtute.

Veritati amicior quàm reo supplici

Armatam Securi suâ Iustitiam intentabat;

Credo, ne alienis circumactus momentis, Liuijanæ pateret Censuræ:
Apud quos gratia vim æqui habet, hominũ non causarum toti sunt.

Illo administro atque Interprete,
Belliac Fœderum Sancita Iura,
Compositæ Seditioes, firmata Pax,

Leges Conditæ, Regum Connubia Procurata.

Arcanorum omnium conscius & transactor
Illud fidei, hoc industriæ suæ obtinuerat Priuilegio.

Pacis quàm belli artibus clariorem quòd videas
Imputa fatis Patriæ: Remedia Sapientiæ præ armorum eligentis.

Æquè acies in campo instruere

Ac Sententias ordinare in Curia, Virorum est.

Præterquam quòd Sallustij effato:

Admirabilius ingenij quàm Virium censu gloriam quæsisse.

Magnus vel ipsâ hostium confessione CANCELLARIVS,

Ad Zborouiam, bellicæ tempestati solerter obsecundans,

(Velis in omnem partem ex tempore obliquatis)

Periclitantem, duos inter scopulos, nauem Patriæ

(Ductu Serenantis omnia IOANNIS CASIMIRI)

Remis Consiliorum impulit ad promontorium Bonæ Spei.

Tunc (si vnquam aliàs) Prudentiæ palmâ potitus

Infractâ barbarorum in manu laureâ

Tantum non hostilis Victoriæ Victor audiit,
Translato in rem, è sensu veterum testimonio:
Posse inermi Consilio armatam vim euerti aut auerti;
Aduersarijs eam ipsam admirantibus virtutem quam odissent.

Magnorum comitem inuidiam

Plerumque temperatâ morum comitate,
Interdum ipso Venerabilis Contemptu transmisit.
Parentibus (quia & Deo) deuinctissimus vel post fata,
Quò eos Amori suo superstites monstraret,
Excitatis dolenter Exequiarum PARENTALIBVS,
Matre ad augustius Monumentum translata,
Imitandam Pietatis metaphoram Posteris fecit!
Mox, in simili Virtutis allegoriâ persistens,
Maternis à Cineribus ad Sacros PII Martyris Cineres
Apparatissimâ deducendos pompâ progressus,
Piè succollantibus, Diuo Indigenti, Liberis,
Eum ditionis paternæ Sacrario illatum

Corpus S. Pij
M. Ossolinum
intulit.

Suæ Suorumque Clientelæ præfecit.

Nec propterea, quod Beatorum, Exuias collegisset
Minus in Miseros hospitalis exstitit:

Quippe in Solatia Calamitatis alienæ
Opportunum suâ in Vrbe molitus Prytanæum est;
In quod, Vicatim conquisitos Egenorum cætus
(Nouam cælo deducturus Coloniam) introduxit,
Ac demum exceptos conuiuio, illatis à se epulis
Veste auroque donatos, reliquit inquilinos.

Clementiæ
Nosocomium

Vt qui iam Diuinæ libationi Mensas
CLEMENTOVIANA posuisset in Basilicâ
Idem ærumnosæ Mortalitati triclinia apponeret:
Non aliâ lauti luculenti que hospitij mercede,
Quàm in ipsum rerum fontem fuisse Munificum!
Magnæ MATRIS Amores in morem sibi vt abirent
Longâ Salutandi precandique assuetudine perucit.
Eius Sacram famem, pridianâ in se alens inediâ
Appensis è Votorum Conscientiâ donarijs
Veram Sarmatiæ propitiabat Fortunam;
Gnarus apprimè: Solum tutum honestumque esse
Ad ARAM PVBLICI PER FVGII receptum.
Illustribus alioqui prodigijs CLARVM MONTEM
Clariorem Auro argentoque reddidit suo:
Vbi & suæ fidei adhibens testes tabulas
MARIANÆ Beneficiæ testimonia comprobauit.
Virtutem ex Patre, Verumque laborem edoctus,

Dum operosa artificum fatigat ingenia,
Templum, peregrino structum opere locavit dotauitque; Climuntouiz.
Alibi prælo & Stylo: Suadæ, ac vultûs imaginem,
Hic nobili cælaturâ, marmoribus & pectoribus insculptam
Auitæ Religionis relinquens Ideam.

Postmodum, facturæ operæ literariæ pretium de suo,
Iuuentutis, bono publico, formandæ percupidus
Simul desideria in animum, simul manum in opus immisit;
Dum **BIDGOSTIANI** fundamenta Collegij
(Architectante **ASCIA**) à Domo **DEI** exorsus
Aspectabile magnorum Operum rudimentum instituit
Suæ & Nostræ iam Fortunæ Faber.

Illic positus, vnde elargiri multa posset
(*Nouo Largitionis inuento*) Sacras Mendicantium familias
Ad insignia sui muneris, nec rogantes, admisit.

Quando Sigilli maioris curam ad se duntaxat
Fructum ad alios quoque voluit pertinere.

*Ratus: nullum impendij genus calo fore acceptius,
Quàm quod DEO in suis Minimis egenti erogetur.*

Sic & Honores in alimentum Gloriæ
Et fortunas in supellectilem Egestatis Vertit.
Quid multa? Supra Mortalium conditionem fortunatus,
Raro continuatæ Felicitatis exemplo
Regnatricis Domûs occupata semel iudiciâ

Pari Potentiæ ac Fauoris exitu

Ad atatis propè flexum, indeflexo perduxit Vigore.

Fuerit alijs difficillimum, Mortem in Vita ordinare;
Noster hic: Constitutâ prius affectuum Repub.
Curas omnes ad vnâ Animæ contulit Oeconomiam.
Ipsâ Gloriæ Satieta, Aulæ frequentiam fastidians,
Eam subinde Asceticâ Carmeli solitudine temperauit;
qui semper Patriæ & Ciuibus, interdum sibi vacaret in recessu:
Calculum cum regno & cælo ponere assuetus,
Dati, acceptique rationes, æternis expendit.

Per hebdomadæ Sacratioris lugubre Triduum

Intra diuini lateris prærupta quarendus

Quotannis, & ipse euauit ex oculis Domesticorum;
Non ante emerfurus è latebrâ commentantis mæstitiæ
Quàm triumphalem victoris Dei exaudisset Pæana.

hoc **VLADISLAO IV.** Confatalis videri poterat

Quòd Posteritati suæ ex se vno sufficienter prouisurus,
Pro Filio, Famam reliquerit victuram,
ceps S. Imperij, cum Regni Principe **SIGISMUNDO**
Pari fatorum coniunctione, eâdem die demessus in Augusto

Vsq̄ue ad Sab-
bathi S. latum
carné delituit.

Pro Filio, Famam reliquerit victuram.
Princeps S. Imperij, cum Regni Principe SIGISMUNDO
Pari fatorum coniunctione, + eadem die demessus in Augusto est. † 9. Augusti.

In procinctu votiui Itineris,
Inter desideria SANCTIORIS ANNI
Pænè in PORTA AVREA interceptus,
Viæ ac Vitæ finem facturus Viator
In sinu Patriæ agrè spirantis exspiravit.

Dum se ad
Claromontanum & Romanum iter comparat.

Anno Viuentis DEI Homini MDCL. V. Idus Augusti.

Ne tu Liuor Posthume

Manes & Vmbram S. I. Principis infectare,
Expensum in Publicæ rei commoda spiritum

Collige potiùs, & Disce:

SEPVL CRA PRINCIPVM SCHOLAM ESSE.

Perillustris ac Magnifice Domine,

Leges in hæc veluti tabulâ dolorem nostrum, quem tamen ita in chartam effudimus, ut maior sese teneat intra pectus. Ita nempe communis hæc lugendi necessitas vniuersos peruasit, ut absq̃ sui decremento singulorum animos occuparit. Et sanè ruina præalti fastigij etiam Sandomirianas concussit Musas: Tullium præsertim, qui parentalem OSSOLINIO suo, iure debebat Eloquentiam, in quo vno qualem ipse votis duntaxat destinauerat Oratorem, approbavit. Quòd si: Tunc veris lacrymis defletur clades publica, vbi cum domestico funere, iuncta est, Vide Perillustr: Dñe an nõ Tuo potissimum dolori SEPVLCHRALEM hanc INSCRIPTIONEM inscribere debuerimus. Eius quippe Magnis Cineribus Iusta persoluimus, apud quem Tu in nomen & affectus Filij immigraueras. Heredem Te ille Virtutum suarum bono publico reliquit: quas cum in lugubri hæc paginâ leges, earum recordatione magnos ad summa quæque spiritus accipies, simul & dolorem temperabis.



77

Faint, illegible text, possibly bleed-through from the reverse side of the page.

Handwritten scribbles or numbers, possibly '10' or '11'.



J. xxiii. 26.



